



25826

kat.komp.

I Mag. St. Dr.

P

Karel Gustav

Declaratio Sai Reg. Maiestatis Sueciae  
de pensionem sua in pacis studia  
Die XX Junii 1659 Chronoburgi edita.

Kart. F

~~Hist. 3310~~



Sa

die

1. 1



DECLARATIO  
Sac. Reg. Majestatis  
SVECIÆ,

*de propensione sua in*

*PACIS studia:*

die XX. Junii anno M DC LIX.


Chronoburgi edita.

8. vno 91.

11.





  
**P**ervenerunt in manus Sac. Reg.  
Mtis. Sveciæ exemplaria duarum DE-  
CLARATIONUM per Ablegatum extra-  
ordinarium Serenissimæ Reipubl. An-  
gliæ, quæ emanatæ perhibentur à parte  
Regis Daniæ, postquam celsi & præpotentes D.D.  
Ordines Generales uniti Belgii, vigore cujusdam tra-  
ctatus, Hagæ Comitum ad promovendam inter hæc  
Septentrionalia Regna securam pacem initi, per suos  
Ministros de animorum reconciliatione & bello in his  
partibus sopiendo, uti fertur, nonnulla proposuis-  
sent. Ex quibus Declarationibus satis luculenter  
perspicere licet, quam invitis auribus animisq; PACIS  
voces à Danis acceptentur, dum, quævis obtentui  
quærentes, aliena ab hoc bello Danico, adeoq; alio-  
rum gentium controversias, quæ cum hoc Septentri-  
onis negotio nihil commune habent, admiscere co-  
nantur; interim, ne Pacis nomen plane horrere cul-  
pentur, pro consilio reperiunt, rejicere TRACTATUM  
SPECIALEM, à dictis Belgicis Ministris propositum,  
tanquam eum, per quem Sac. Reg. Mti. Sveciæ in-  
justas exposcere condiciones liceret, ac UNIVERSALEM  
in speciem substituere, utpote communi commercio-  
rum & navigationis usui libertatem & securitatem,  
majorem redditurum & conservaturum. Quamquam  
nunc hisce latebris facile ostendant Dani peritiori-  
bus,



bus, & alieniorem eorum à pace animum, & se cau-  
sis externis, ac ad se nihil pertinentibus, ita implica-  
ri velle, ut non suæ amplius potestatis esse se profi-  
teantur; nedum, ut Pacis negocium pro voto acce-  
lerare valeant, atq; culpam in Sac. Reg. Mtem. obli-  
que derivare injuste tentent: tamen efficiendum pu-  
tavit Sac. Reg. Mtas. Sveciæ, ut luculentius omni-  
bus appareat, ne hac quidem Danorum exceptione  
& declaratione à salutaris Pacis proposito, quod jam  
diu serio urgebat, se dimoveri posse. Etenim UNI-  
VERSALIS TRACTATUS, quem illi tantopere sectan-  
tur, ac procul à rationibus & mente Sac. Reg. Mtis.  
recedere forsitan opinantur, non ita longe abit à sen-  
tentia Sac. Reg. Mtis, ut eundem, si ex candido &  
sincero pectore proficisci intelligatur, ac media &  
modus exhiberi possunt, quibus & mature incipiat,  
ac ad finem & executionem, sine plurium rerum par-  
tiumq; supplantatione, atque vicinorum populorum  
incommodo, deduci probetur, plane damnet: quin  
potius existimat Sac. Reg. Mtas. Sveciæ, sic Se com-  
parasce jam diu in Pacis negocio, ut rerum non impe-  
riti facile judicare possint de singulari Sac. Reg. Mtis.  
in eam propensione, utpote quæ sollicitè & omni-  
bus modis pridem testatum reliquit, nihil sibi esse vel  
prius vel antiquius, quam ut cum omnibus suis hosti-  
bus fidam amicitiam restaurare queat. Et subest cau-  
sa, cur per omnia eandem desideret & optet, insur-  
gentibus adversus Eam tot simul hostibus, ut, nisi sub  
divino pugnaret favore, haut ulli verisimile videretur,  
Eam solam, tot ingruentibus viribus, tantoq; tem-  
pore, resistere potuisse. Igitur inter ea media, quæ  
usus

usus  
Mtas  
nem  
bona  
conli  
parti  
pacis  
fider  
cile  
rator  
verfo  
notit  
impe  
brugg  
conle  
quæ  
ret, s  
ex mo  
Impe  
ta, o  
opera  
cari o  
mox  
quant  
gentil  
partit  
perat  
quæ a  
gariæ  
dum  
quieti



usus & necessitas temporum reperire cogit, Sac. Reg. Mtas. Sveciæ semper collocavit æquam transactionem, & sinceram cum omnibus inimicis amicitia & bonæ rursus correspondentia revocationem, eoq; consilia direxit sua, ut appareret, æquos iudices, & à partium studiis alienos, nihil habituros esse, quod in pacis studio à parte Sac. Reg. Mtis. magnopere desiderarent: id quod conciso adhuc ordine & stylo facile monstrari posset. Etenim, quantum ad Imperatorem Romanorum, non potest non constare universo Imperio Romano, adeoq; aliis rerum in Europa notitiam aliquam habentibus, quantas S. Reg. Mtas. impensas, diligentiamq; semper fecerit, ut Pax Osna-bruggis & Monasterii conclusa facta, tecta & illibata conservaretur. Pervidit equidem Sac. Reg. Mtas. quæ patrare tentabat FERDINANDUS III. dum viveret, sed connixit paulum. Eodem verò Imperatore ex mortalium cœtu emigrante, ac libertate Sac. Rom. Imperii Electoribus, Principibus & Statibus restituta, occasionem rata est Sac. Reg. Mtas. omnium cooperatione quærendi, ut vulnus, quod paulatim refricari cœpit, in tempore medicinæ adhiberetur. Itaq; mox per missum ad Eos Ablegatum declarari fecit, quanto studio teneretur reductæ non ita pridem ingentibus impensis tranquillitatis publicæ, monendo partim ea, quæ ad rerum turbationem à defuncto Imperatore parari tunc certissime constabat, partim, quæ apertis postea in Poloniam trajectis Regis Hungariæ armis manifesto agebantur: ac adhortando, ut, dum per Imperii vacationem plene liceret, publicæ quieti tempestive consuleretur. Mereri securitatem



Imperii Romani, ut, qui fastigium ejus affectare vel-  
let, Paci cum vicinis Regnis litaret: quam ut mon-  
straret Sac. Reg. Mtas. quanti Ipsamet faceret, per  
iteratam Legationem, Francofurtum ad Mœnum mis-  
sam, non obscure significavit, haud aliud se pro ma-  
nifesta vi, & injuria, contra leges publicas illata, po-  
stulaturam, quam simplicem reconciliationem, & se-  
curum eorum, quæ beneficio INSTRUMENTI PACIS  
Ei debentur, usum; atq; ut Domus Austriaca, ab ho-  
stibus Sac. Reg. Mtis. separata, deinceps nihil contra  
dictam Westphalicam pacem in præjudicium Sac.  
Reg. Mtis. committeret. Has tam moderatas Sac.  
Reg. Mtis. etiam post adhibitam vim & læsa pacta,  
animirationes, quicumq; pacem amat, laudare utiq;  
tenetur, cum, inducta oblivione injuriarum anteacta-  
rum, nulli nec occasione nec tempori eam defuisse vi-  
deat, quòd aliquæ honestæ pacis ansa præberetur. Quod  
autem Domus Austriaca furdus adeo auribus conditio-  
nem oblatam spreverit, ita ut salutares Sac. Reg. Mtis.  
conatus proficere nequicquam potuerint, iis imputan-  
dum, quorum hæc propria est culpa. Non tamen de-  
stitit Sac. Reg. Mtas. perseverare in bono proposito,  
quamvis obnitentibus ejus adversariis. Cum enim Tra-  
ctatus in Polonia ostentaretur, atq; Domus Austriaca  
pariter secum ibi tractandi copiam promitteret, nihil  
omnino distulit Sac. Reg. Mtas. quod eo facere posset.  
SALVOS CONDUCTUS, & cætera conventuris neces-  
saria instrumenta, sic parari curavit, ut non minus in-  
telligeretur, pronam esse Sac. Reg. Mtem. cum ea  
Domo in ipsa Polonia tractandi, quam ipsismet cum  
Polonis. Quibus Sac. Reg. Mtas. jam perpetuo te-  
nere



nore ab initio belli Polonici, & inde, quamdiu Ipsa in Polonia versaretur, & postea etiam, cum necessitas imponeretur è Prussia in Daniam migrandi, studium & voluntatem suam conspicuis satis argumentis approbavit, constitutis & relictis semper, qui pacis restitutioni indefesse operantur. Factum tamen est hætenus, tam à parte Polonorum, quam Austriacorum, ut propitiores non redderentur vices, quæ quæ ab eludentibus fere expectari siveverunt. Nec desunt indicia hautquaquam obscura, quæ arguant, non ipsos modo Austriacos esse à pace alienos, utpote qui in turbidis piscari & lucrari jam diu didicerunt; sed etiam, quæ probent, eosdem gentem Polonam ad supernam obstinationem, & quamvis remoram injiciendam, hortatos esse, idque non alio certe fine, quam ut Poloni domi diversis studiis committantur, & sic cerratim atterantur magis, pacisque interea beneficio priventur, & retribus insimul Austriacis ita implicentur, ut inde sese extricare, cum maxime velint, illis haut integrum sit. Igitur hucusque evenit, ut, quamvis saniores eorum & liberari à compedibus Austriacis, & sopiri cum Regno Sveciæ bellum cupiant, nihilo tamen magis proficiant, quin plerique, deterioribus subordinati consiliis, non unum in SALVIS CONDUCTIBUS & præviis Tractatui instrumentis committant errorem. Modo enim justam & usitatam sæpius titulaturam negant: modo sigillum Regni ita deformant, non tantum, ut vix deprehendas nomen ipsius Regis; sed etiam quædam adeo delentur, quædam corrumpuntur, quædam etiam nova, nec hætenus in SIGILLO POLONICO visa, adcrustantur, ut, cujus fuerit Sigillum aut inscriptio, haut



haut tam in facili sit dignoscere. Et cum de emenda-  
tione à parte Sac. Reg. Mtis. Sveciæ instantèr moni-  
tum sit, tum verò omnia in pejus mutabantur, ut de-  
prehensum sit, nunc Legatos quosdam esse exclusos,  
nunc integros paragraphos elisos, nec curæ habitum,  
ut dies, quo scripti sunt, pro solito exprimeretur; id  
quantum intersit, ut Comitiorum tempore fiat, judi-  
care potest, quicumque Rempublicam Polonam non  
ignorat: adeoque aliæ maculæ post alias subinde ir-  
repperunt, ut facile animadvertas, Polonos sive alio-  
rum consiliis seductos, sive de industria propria pec-  
care, nec rem serio agi; reperiri verò circa quamvis  
promissam emendationem novum defectum, qui paci  
publicæ aut in præsens sit impedimento, aut in futu-  
rum fraudi. Econtra Sac. Reg. Mtis. Sveciæ, quæ  
eodem constantiæ tenore paci revocandæ incumbit,  
jam diu, nec absq; magnis sumtibus, cum Legatis suis,  
instrumenta Tractatui necessaria secum habentibus,  
non modo pro Polonis, sed etiam pro eorum fœdera-  
tis, præstolatur; adeoque pro Electore Brandenburgi-  
co, qui, post sacram pactorum religionem irreveren-  
ter habitam, & deniq; fide mala servatam, tantum ab-  
est, ut bonam intentionem Sac. Reg. Mtis. agnoscat  
& amplectatur, ac Pacis nomen in animum admittat,  
ut super arma, quæ in Sac. Reg. Mtem. vehementer  
stringit, futilibus insuper & impudentibus suorum mi-  
nistrorum scriptis & vociferationibus animi sui iram  
acuat & exserat. Ex quibus omnibus, qui remotum  
à studiis partium gestant animum, satis cognoscere  
possunt, non per Sac. Reg. Mtem. stetisse hactenus,  
tam evidentibus documentis ad omnes reconciliatio-  
nis

nis via  
nient  
eos ob  
medi  
obluc  
eande  
lixum  
deside  
aut Pa  
ceptat  
caneur  
fitum  
Sveciæ  
nunqu  
sitionis  
one ex  
Dani,  
Sac. R  
singula  
reditur  
Ipsa &  
si de se  
subsiste  
aptand  
res dein  
tur. E  
tali stat  
riorem,  
liceretur  
fuit, Pa



nis vias promptam, quo minus Tractatus Pacis convenientibus in locis & per omnia instituat; sed per eos obstacula injici, quorum animi revocandæ quietis media horrent aut aspernantur, vel etiam illusionibus oblectantur.

Cæterum, ut ad Daniam revertamur, atq; eidem eandem Pacis viam fuisse apertam monstremus, prolixum foret deducere, quam Sac. Reg. Mtas. ex animo desiderarit, aut nunquam fuisse ad manus perventum, aut Pacem Roskildensem ut pronis ulnis à Danis acceptatam, ita bona fide observatam fuisse. Supervacaneum etiam esset agere, quod alibi suo loco expositum est. Illud tamen sciendum, Sac. Reg. Mtem. Sveciæ, quamvis in Daniam cum armis reverti coactam, nunquam tamen detrectasse honestas & tutas compositionis vias. Et quanquam cunctatione sua & negatione executionis Sacr. Reg. Mtem. adeo irritaverint Dani, ut de vindicta in crimina eorum unice cogitare Sac. Reg. Mtas. non immerito statueret, fecit tamen singularis Ejus humanitas & moderatio, ut circa suum reditum in Selandiam Danicis Legatis Ringstadii & Ipsa & per suos ibi Ministros significari curaverit, ut, si de se Dani solliciti essent, Svecico Legato Hafniæ subsistenti aliquid medicinæ, ad præsens tempus adaptandæ, proponerent, super quo, quemadmodum res deinceps sanari posset, consilium amplius caperetur. Eorum enim interfuit, per hujusmodi merita in tali statu constitutorum, aliquid proferre, quod securiorem, quam Sac. Reg. Mtas. experta est, pacem polliceretur. Sed sicuti pectoribus eorum jam diu fixum fuit, Pacem Roskildensem enervare, nec ullam cum

B

Svecia



Svecia arctiorem, aut saltem fidam amicitiam colere, præsertim ex quo per æstatis beneficium aliunde promissis & spe onerarentur; ita huic occasione imminere æquo animo haut sustinuerunt, quin ambo Legati, Hafniam reversi, Legatum Svecicum quidem invisere, non tamen ullam pacis mentionem fecerunt, sed invertendo ordinem apud eum explorarunt, an quidpiam à Sac. Reg. Mte. in mandatis haberet, quod proponeret. Cum verò in rem præsentem illi nihil commissum esset, nisi ut causam regressus in Selandiam exponeret, Eosq; audiret, & Sac. Reg. Mti. audita referret, ab omni studio compositionis Legati Danici quoq; destiterunt, scribens alter eorum ad Legatum Gallicum, Equitem de Terlon, quod nihil à Legato Svecico potuerint expiscari; cæterum causam totâ Deo esse committendam: ut facile hinc animadvertas, de Pacis cura Eos parum fuisse sollicitos, imo, ut fraudem observes, hic alter Legatorum ad quendam suæ nationis virum literas dedit, quibus rogat, ut operam det, ne ad Gallicum Legatum profectæ literæ in manus Svecorum perveniant, non certe aliam ob causam, quam ne Svecis documentum existeret, quò Danicum dolum in Pacis cura mundo vulgarent. Sac. vero Reg. Majestas, cui perpetuum est sub ipsis belli fervoribus pacem sectari, etsi Ei res non infelicitè cedunt, non ita multo post etiam per Gallicum Legatum occasionem fecit Tractatui & compositioni; sed non benignius audita Ejus propositio, quam superior conditio acceptata: imo sat superbe super ea re & insulse à Regni Daniæ Magistro responsum est, ita ut omnis spes inducendi hac via Tractatum Sac. Reg.

Reg.  
Mta  
cis b  
tibus  
set,  
ignar  
nesta  
perp  
qvon  
Com  
tis, i  
piam  
ciæ j  
iis de  
iam n  
nem  
Sac.  
qui e  
quam  
ne qv  
fuisse  
gente  
go cu  
ipsi i  
cem  
profic  
quod  
plect  
sopias  
naliun  
alias n



Reg. Mti. decollata videretur. Potuisset Sac. Reg. Mtas. iusta quoque commoveri indignatione, atque pacis benignitatem tantisper pigre & invite eam audientibus recondere, præsertim cum res eo loco non esset, ut Svecos magis, quam Danos, premeret; sed non ignara, bella in eum maxime finem geri debere, ut honesta & tuta Pax, quæ unicus Sac. Reg. Mti. scopus perpetuo fuit, resultet, tergiversationi importunæ quorundam nonnihil condonandum esse censuit, ac Commisfariis suis, ad Polonicum Tractatum destinatis, in commissis dedit, ut, si ab ea parte Dani sui copiam facerent, pariter nomine Sac. Reg. Mtis. Sveciæ iustis procuratoriis communiti adessent, qui cum iis de compositione congregarentur. Præterea etiam non obscurum est, quoties ore scripto propensionem suam Ablegato Extraordinario Reipubl. Angliæ Sac. Reg. Mtas. Sveciæ diversis temporibus aperuit, qui etiam nulli pepercit operæ, labori, literis, aliquam Hassniâ Pacis curam eliceret: hætenus tamen ne quicquam egit, ut facile intelligatur, supervacuum fuisse omnem ejus diligentiam & industriam, apud gentem pacis odio & duritiæ supinam. Desinant ergo culpæ notam in Sac. Reg. Mtem. derivare, qui ipsi in causa sunt, quod cruento tamdiu bello invicem committamur, quod pacis cura tam langvide proficiat, ac commercia interim patiantur. Nam quod Rex Daniæ excipiat, se non posse pacem amplecti cum Svecia, nisi pariter in Borussia flammæ sopiantur, rationemque addat, quod cum Septentrionalium Regnorum Pace liber commerciorum cursus alias non redintegretur, id quæsitum est effugium, ne



Pacis nomen invalescat, atq; tale, quod Daniā inter omnes circumjacentes populos quam minimum afficiat. Quid enim ante hos quatuor annos, cum bellum in Polonia & Borussia inflammaretur, nihilo plus questus est Rex Daniæ, quam olim ipsius Parens, cum bellum iisdem in locis à Svecis gereretur, quorum alter singularibus documentis causam Svecicam asseruit, hic vero cum voto boni succesus postea institutum Sac. Reg. Mtis. Sveciæ approbavit, neuter vero de iniquitate in commercia vocem edidit. Et sane, si quæpiam existit ditio, quæ hodie sensum aliquem turbatorum commerciorum intimius deprehendit, apud eam Regnum Sveciæ suum profiteri nomen opus habet, utpote quod plerosq; maris Baltici portus possidens, eorumq; magnam sibi partem bello obnoxiam habens, quorum in manu & opera præcipua commerciorum cura sita esse solet, quam maxime affligi necesse est. Sub prætextu ergo & vana specie liberi commerciorum usus, sicuti Dani, cum iis volupe sic esset, terras & ditiones Svecicas antehac injuste invaserant, atq; sic belli flammam in Septentrione suscitaverant, ita nunc morasnectere & belli necessitates in longum trahere instituunt, id quod ante Roskildensem Pacem quoq; facere conati sunt, donec jugulo eorum Deus ensē admovens, meliorem genti inderet mentem. Et quanquam super cæteras contestationes non ita pridem Sac. Reg. Mtas. Sveciæ prolixè declaraverit, quanta propeatione in studia pacis feratur, cum eadem urgerent Sereniss. Reipubl. Angliæ Ministri, ita ut exinde atq; ex superioribus satis liqueat Ejusdem voluntas redundi

undi  
cum  
corre  
min  
duce  
nino  
Paci  
hoco  
verso  
versa  
Sac.  
re fir  
tum  
qvas  
cari n  
posse  
ut, si  
stitut  
funda  
quide  
one &  
& div  
tione  
fuerit  
fore a  
liatio  
trare  
non i  
serio,  
major  
tatibu



undi in amicitiam non modo cum Dania, sed etiam cum omnibus suis hostibus, atq; bonam cum iisdem correspondentiam restituendi; nihilominus (ut neminem fugiat, Sereniss. Regem Daniæ frustra se subducere, & inanes sibi figurare species, nullamq; omnino per Sac. Reg. Mtem. Sveciæ fieri moram, quin Pacis studium è vestigio & quovis modo reflorescat,) hocce Sac. Reg. Mtas. Sveciæ in animam induxit universo mundo declarare, iis vero inprimis, qui universali Tractatui operam dare præ se ferunt, quod Sac. Reg. Mtas. eundem quoq; approbare & acceptare firmiter decreverit, modo illi, qui talem Tractatum sive commentantur, sive ex vero proponunt, aliquas exhibeant rationes, quibus negotium non implicari magis, sed ad prosperum finem commode deduci posse probaverint. Sic enim procedendum est, ut, sive in uno sive pluribus locis Tractatus fuerit institutus, aliena & heterogenea non misceantur & confundantur, sed pro more, alibi servato, partes inter se quidem agant & tractent, verum pro habitu, conditione & natura rei, atq; controversiarum constitutione & diversitate, diversimode. Si hac methodo & ratione felicitus profici posse, fidei rationibus ostensum fuerit, promittit Sac. Reg. Majestas, non alienam Se fore ab ea sententia, quin, ut cum omnibus reconciliationem institui ardentem cupit, ita à Se facile impetrare possit, ut profiteatur, universalem Tractatum non invitam Se amplecti velle. Cæterum, si non serio, sed sub obtentu res agitur, atq; negocia Pacis majoribus forsan hoc ipso implicita fuerint difficultatibus, protestatur Sac. Reg. Mtas. coram toto orbe,  
Se



Se non modo culpa improperi eventus vacare velle,  
sed etiam teneri de jure eum debere ad commercio-  
rum turbatorum indemnitatem præstandam, qui sub  
prætextu specioso & consiliis subdolis commercia,  
impediri & morari institerit, honestæq; Pacis occasi-  
ones & vias, reperta quavis exceptione & declinati-  
one, occluserit, adeoq; ad trahendum bellum cum  
hostibus Sac. Reg. Mtis. strictiora fœdera, belliq; so-  
cietates iniverit, quibus bonæ pacis & commercio-  
rum rationes non possunt non obteri & conculcari.  
Actum Chronenburg, ut supra, in fidem majorem sub  
figillo Regio & subscriptione Cancellariæ.



*Ex mandato Sac. Reg. Mtis.*

*Edvard Ehrensteen.*



velle,  
ercio-  
vi sub  
ercia  
ccasi-  
inati-  
cum  
q; fo-  
ercio-  
lcari.  
m sub

Se non modo cuiusque imperium extendit  
sed etiam tenet de iure eam debere ad totum  
tum turbatorum inderminatam prestandam, qui sub  
pretextu speciosi & consilii subdolis committit  
impediri & morari iustitiam, honestat, pacis occasi-  
ones & vias, repetit quavis exceptione & declinat-  
one, occulere, adeo, ad trahendum bellum cum  
hostibus Sac. Reg. Maj. sanctiora facienda, bellis; so-  
cietates invicem, quibus bonae pacis & commercio-  
rum rationes non possent non obesse & conciliari.  
Actum Chronenburg, ne supra, in fidem maiorem sub  
Sigillo Regio & subscriptione Cancellariae.




Ex mandato Sac. Reg. Maj.

Edward Ehrnsheim

nen.







Biblioteka Jagiellońska



stdr0017088



